


1605_001v.jpg



1605.

Le Mercure François, ou,

fait & pris prisonnier du grand Chancelier de Pologne, ce qui alloit mettre les Polonois & la maison d'Autriche en de grandes guerres immortelles, sans la particuliere prudence de ce Legat, qui les accorda par la liberté qu'il procura à Maximilian en quittant le tiltre de Roi de Pologne, & faisant espouser au Roi Sigismond la fille aisnée de l'Archiduc Charles. Pour sa grande vertu, pieté & charité apres le deceds d'Innocent IX. il fut esleu Pape le trentiesme iour de Ianuier 1592. Il a tenu le siege par l'espace de treize ans vn mois & cinq iours. Pendant son Pontificat il a pourchassé tât qu'il a peu la paix entre tous les Princes Chrestiens: Il a esté le premier moteur de celle qui a esté traictée entre les Rois de France & d'Espagne; Il a ramené Ferrare au domaine du S. Siege, & conseillé plusieurs alliances & mariages entre les Princes Chrestiens, pour le bien de leurs estats en particulier. Sa deuotion a esté telle qu'on ne l'a veu iamais dire la Messe sans auoir les larmes aux yeux. Bref, totis les aduersaires mesmes de l'Eglise Romaine, sont cōtraints de confesser qu'il s'est comporté durant son Pontificat vray Pere commun de tous les Chrestiens.

*Maniere
d'eslire des
Papes.*

Pendant les exeques & funerailles du Pape Clement, qui durerent neuf iours, comme s'en est la coustume, le Conclau fut dressé, ou soixante & vn Cardinaux entrerent le quatorzieme de May, pour proceder à l'eslection d'un nouveau Pape, qui se fait d'ordinaire par deux manieres, sçauoir l'une par *Scrutin*, & l'autre par *Adoration*.

1605_002r.jpg

Suite de l'Histoire de la Paix. 2

Le Scrutin se fait en ceste sorte; Chacun Cardinal escrit dans certain billet de papier son aduis & suffrage, & à la fin de la Messe le va porter dedans le grād calice d'or, qui est sur l'autel. Puis tous les billets sont renuersez sur vne petite table, qui est mise pour cest effect deuant l'autel. Il y a trois Cardinaux, lesquels au veu & en presence de tous les autres, desploient ces billets, prononçans à haute voix le nom de celui qui se trouue nommé en chacun d iceux, & les autres Cardinaux escriuent & marquent en vne feuille de papier le nombre des voix que chacun peut auoir, pour cognoistre celui qui en a le plus. En quoi est à noter que pour ellire & creer vn Pape, il faut qu'il ait les deux tiers des voix de tous les Cardinaux qui sont dans le Conclau. Que si par tel Scrutin il ne s'en trouue aucun qui ait les deux tiers, alors & à l'instant mesme on iette dans le feu tous les billets, afin que le tout demeure secret & assoupi, pour obuier aux haines & partialitez qui en pourroient autrement proceder. Et par ce moien la partie est remise à vne autre fois, qu'on faiet & recommence vn autre Scrutin en la mesme forme.

1605.

Par Scrutin.


L'autre maniere, qui est l'Adoration, c'est quand les Cardinaux estans assemblez en la chappelle, se tournent vers celui qu'ils desirent estre faiet Pape, & luy font la reuerence, plians le genoüil fort bas: & quand il se trouue que les deux tiers sont allez en ceste sorte à l'adoration, le Cardinal adoré est faiet Pape.

Par Adoration.

Le Scrutin tenté par diuerses fois; Plusieurs Cardinaux mis en auant, Et entr'autres le Car-

A ij

1605_002v.jpg



1605.

Pourquoy
les Espa-
gnols ne
vouloient
que le Car-
dinal Baro-
nius fust es-
leu Pape.

Le Mercure François, ou,

dinal Baronius, lequel du commencement eut trente voix, & depuis les iours suiuaus, en eut iusques au nombre de trente-sept, ou trente-huict, qui n'estoit nombre suffisant pour faire les deux tiers: encore que ce fust chose qu'il ne rechercha aucunement: au contraire qu'il s'en rendist du tout aliené, faisant tout ce qu'il pouuoit pour l'empescher. Les Protecteur, & entre-metteurs des affaires d'Espagne luy estoient contraires, à cause de ce qu'il auoit escrit en l'vniuersielme tome de ses Annales, contre les pretentions du Roy d'Espagne touchât la Sicile. Pour raison dequoy en vne congregation des Cardinaux, qui fut tenuë le Mercredy neufiesme de Mars, auant qu'on entrast au Conclauë, fut mise en auant & leuë vne lettre du Viceroy de Sicile, qu'on disoit auoir esté enuoyée au deffund Pape, tendant à fin de faire reuoir & corriger les liures du Cardinal Baronius. Lequel ayant parlé avec beaucoup de vehemence & de courage, pour sa deffence & de ses liures, par vne longue harangue latine qu'il fist sur le champ, il en remporta vn grand honneur: & par telle action fut iugé plus digne du Pontificat, que iamais auparavant. Ceux qui luy auoient dressé ceste partie ne sçachans que respondre: & d'ailleurs confus, quand le Secretaire des chiffres du Pape (qu'on disoit auoir baillé ceste lettre,) ayant esté mandé, dist ne l'auoir iamais veuë, & qu'il ne sçauoit que c'estoit. Il en fut aussi proposé quelques autres, contre lesquels se trouuerent des exclussions & oppositions.

Mais le premier iour d'Auril, quand on vint à

parle
se réc
que f
ne, l
rut à
dinal
tecte
cher
ouir
Sain
que
pou
tion
resp
tiers
bō f
dem
bien
Roy
Ain
à 8. l
dicis
L
port
nité
tion
foler
se de
uril
ua sa
mesn
en sa
ce fit

1605_003r.jpg

Suite de l'Histoire de la Paix. 3

1605.

*Le Cardinal
de Florence
élu Pape,
prend le
nom de
Leon XI.*

parler du Cardinal de Florence, tout incontinēt
se recontra vn tel consentemēt de toutes parts,
que sans en douter, estans en la chappelle Pauli-
ne, lieu destiné à telles eslections, chacun cou-
rut à l'adoration, qui fut commencee par le Car-
dinal de Ioyeuse. Quant au Cardinal Auila Pro-
tecteur d'Espagne, il fist contenance de l'empef-
cher; mais ne trouuant personne qui le voulust
ouïr, il se trouua contraint d'y aller, & prier sa
Saincteté de l'excuser, & luy pardonner: d'autāt
que ce qu'il en auoit fait, c'estoit seulement
pour sa descharge, & faire monstre de son affe-
ction au seruice de son Roy. Sa Saincteté luy
respondit, qu'elle luy pardonnoit tres-volon-
tiers, & qu'il n'auoit fait en cela que ce qu'un
bō seruiteur doit faire. Et que nonobstāt, il luy
demeureroit tousiours bon amy, & esgallement
bien-veillant & bien affectionné, tant enuers le
Roy d'Espagne, que enuers le Roy de France.
Ainsi ce mesme iour, premier Auriil, sur les sept
à 8. h. du soir, le Cardinal de Florence, ou de me-
dicis, fut eslu Pape, & print le nom de Leō XI.

Le lendemain matin, il fut solennellement
porté dans l'Eglise de S. Pierre, avec les solem-
nitez accoustumees. La benediction & corona-
tion fut faite le iour de Pasques, & la procession
solemnelle à S. Jean de Latran, qu'on appelle pri-
se de possession, fut differee iusques au 17. d'A-
uriil. Mais au retour de ceste procession il se trou-
ua saisi d'une maladie, dont il deceda le 27. du
mesme mois sur les 8. heur. du matin, & fut mis
en sa sepulture pres de Clement VIII. La Fran-
ce fit autāt de feux de ioye à son eslection (pour-

Sa mort.

A iij

1605_003v.jpg




Image issue du site mercurefrancois.ehess.fr - Cliché (c) Cécile Soudan